

者承受玉軒復歸九霄長揖皓庭即昇瑤輦
五雲翼輅九煙衛轅前鳴八鸞後舞萬鶴瓊
花載道璇露霏霏雷霆眾真駟隨後乘
大帝復坐藥珠之殿十方天人雷霆主宰羅
拜露章稱謝雷神大師恭對帝所稽首而前
即獻洞章曰

大帝臨皓庭 身飛玉霞輿 天人擁五雲
聽演紫仙書 寶語騰瑤梵 金樞度玉符
復還藥珠殿 鸞鶴飛仙都

是時藥珠殿頭領仙舍人引領羣真退辭
帝所咸相謂曰信受奉行

無上九霄玉清大梵紫微玄都雷霆玉經

卷八

二十一

九天應元雷聲普化天尊玉樞寶經 卷九
爾時

九天應元雷聲普化天尊在玉清天中與十
方諸天帝君會於玉虛九光之殿鬱蕭彌羅
之館紫極曲密之房閱太幽碧瑤之笈考洞

微明晨之書交頭接耳細議重玄諸多陪臣
左右踧踖

天尊宴坐朗誦洞章諸天帝君長吟步虛絳
女仙姝散花旋繞復相引領遊戲翠宮羣仙
導前先節後鉞龍旂鸞輅飄飄太空垂集於

玉梵七寶層臺時有雷師皓翁於仙眾中越
班而出面

天尊前頰頰頤作禮勃變長跪上白

天尊言天尊大慈天尊大聖為羣生父為萬

靈師今者諸天咸此良覲音適見

天尊閱寶笈考瓊書於中秘蹟不可縷計唯

有玉霄一府所統三十六天內院中司東西

華臺玄館妙閣四府六院及諸有司各分曹

局所以總司五雷天臨三界者也

天尊至皇心親庶政此等小兆以何因緣得

以趨服願告欲聞

天尊言雷師皓翁爾等仙卿儲勳夙累行

昨生故得玉府登庸瓊宮簡錄今茲勳行規

夙昨多爾其悉力雷司委心大部日復日歲

復歲勳崇行著性靈神融克證高真即階妙

道惟是雷部鬼神晝勞夕役勳有輝楚大則

考戮肩雲雕雪無有已時撥龍命鴉此息彼

作彼所因故爾其耳焉雷師皓翁及諸天諸

仙聳耳而默

天尊所坐九鳳丹霞之宸音手舉金光明之

如意琅風清微綺雲郁麗

天尊寂然良久

天尊言吾昔於千五百劫以先心維此道遂

位上真意曠此功遂權大化嘗於

大羅元始天尊前以清淨心發廣大願願於

未來世一切眾生天龍鬼神音稱吾名悉使

超渙如所否者吾當以身身之爾等洗心為

爾宣說

天尊言爾諸天人欲聞至道至道深窈不在

其他爾既欲聞無聞者是無聞有見即是真

道聞見亦泯惟爾而已爾尚非有何況於道不聞而聞何道可談

天專言道者以誠而入以默而守以柔而用用誠似愚用默似訥用柔似拙夫如是則可與忘形可與忘我可與忘忘入道者知止守

道者知謹用道者知微能知微則慧光生能知謹則聖智全能知止則泰定安泰定安則聖智全聖智全則慧光生慧光生則與道為一是一名真忘惟其忘而不忘忘無可忘無可忘者即是至道道在天地天地不知有情無情惟一無二

天專言吾今於世何以利生為諸天人演此妙實得悟之者伴躋仙昨學道之士信有氣數夫風土不同則稟受自異故謂之氣智愚不同則清濁自異故謂之數數繫乎命氣繫乎天氣數所囿天命所措不得真道愚可以智濁可以清惟命伴之愚昏昏濁冥冥亦風

土稟受之移之天地神其機使人不知則曰自然使知其不知則亦曰自然自然之妙雖妙於知而所以妙則自乎不知然於道則未

始有以愚之濁之諸天聞已四來感悅

天專言吾今所說即是玉樞寶經若未來世

有諸衆生得聞吾名但冥心默想作是念言

九天應元雷聲普化天尊或一聲或五七聲

或千百聲吾即化形十方運心三界使稱名

者咸得如意十方三界諸天諸地日月星辰

山河草木飛走蠢動若有知若無知天龍鬼神

神聞諸衆生一稱吾名如有不願者誠首剗心化為微塵

天專言吾是九天貞明大聖每月初六及旬

中辛日監觀萬天浮遊三界若或有人欲學

道欲希仙欲道九玄欲釋三災當命正一道

士或自同親友於樓觀於家庭於里社醮水

鑽花課誦此經或一過三五過乃至數十百

過即得神清氣爽心廣體胖凡所希求悉

應其感

天專言身中九靈何不召之一曰天生二曰

無英三曰玄珠四曰正中五曰子丹六曰回

回七曰丹元八曰太淵九曰靈童召之則言

身中三精何不呼之一曰台光二曰爽靈三

曰幽精呼之則慶五心煩懣暗六脉搶攘四肢失寧百節告急宜誦此經

天專言若或有人五行奇審九曜欽熾年逢

刑衝運值尅戰孤辰寡宿羊刃劍鋒劫煞亡

神鬼門約絞祿遭破敗馬落空亡動用凶危

行藏坎壞即誦此經上請天官解天厄地官

解地厄水官解水厄五帝解五方厄四聖解

四時厄南辰解本命厄北斗解一切厄

天專言沈痾伏枕痲疾屢身積時弟瘰求醫

罔效五神無主四大不收或是五帝三官之

前泰山五道之前日月星辰之前山林草木

之前靈壇古跡之前城隍社廟之前里巷井

竈之前寺觀塔樓之前或地府三十六獄冥

官七十二司有諸冤枉致此牽纏或盟詛咒

誓之所招或債塚負債之所致三世結業累

劫與仇埒其咎尤犀其執對皆當首謝即誦

此經

天專言天官符地官符年月日時各有官符

方隅向背各有官符大則官符小則口舌是

有赤口白舌之神以主之凡諸動作與舉出

入起居不知避忌如遇官符口舌則使人擊
胎曉夜煎燭必多招辱吻面是皆非動致口
牙盟神詛佛始於誘謝藉終於詬詆由是獄
訟生焉刑憲存焉若欲脫之即誦此經遂得
口舌消官符永息

天尊言土皇九壘其司千二百神土侯土伯
土公土母土子土孫土家眷屬若六歲若將
軍若鶴神若太白若九良若劍鋒若雌雄若
金神若火血若身黃若擅命若三煞若七煞
若黃幡豹尾若飛廉刀堪如是等土家神煞

若人與修卜筮一或犯之即致病患以迄喪
亡纒誦此經則萬神皆起天無忌地無忌陰
陽無忌百無禁忌

天尊言世人夫婦其於婚合或犯成池或犯
天狗三刑六害隔角交加孤陰寡陽天羅地
網難於嗣息多是孤獨若欲求男即誦此經
當有九天監生大神招神攝風遂生賢子於
其生產之時太乙在門司命在庭或有冤愆
或有鬼魅或有禁忌或有凶厄致令難產請
誦此經即得九天衛房聖母照與抱送故能

臨盆有慶坐車無虞凡有嬰孩在於襁褓為
拈檀神王座下一十五種鬼加諸惱害因多
驚癇暗宜誦此經

天尊言若人居止鳥鼠送妖蛇蟲毒孽地辟
擲瓦驚雞弄狗邀求祭祀以至影骨夢遺及

於姦盜而敢據其所居以為巢穴速使生人
被竊庭戶不清夜爾於操畫職其室中馬犬
豕亦遭瘴疫禍連骨肉災及孳生淫祠坎社
黨莩神姦帛客頻仍喪早舉出者誦此經即
使鬼精滅爽人物咸寧

天尊言九天雷公將軍五方雷公將軍八方
雲雷將軍五方響雷使者雷部總兵使者其
驟判官發號施令疾如風火有廟可伐有壇
可擊有妖可除有祟可遣李老法多諸巫
現邪法流行陰肆魔構是故上清乃有天廷

禁鬼錄姦之度帝由東坎考邪之房能誦此
經其應如響

天尊言天瘟地瘟二十五瘟天瘟地瘟二十
四瘟天瘞地瘞三十六瘞能誦此經即使瘟
瘴清淨毒氣消除勞瘞早復亦有其由或者

先亡復連或者伏屍故氣或者塚訟墓注或
者死魂染毒或者尸氣感招凡此鬼神或惡
思或志恨牽連執證並錄注射乘隙伺間乃
得其便故此經者上通三天下徹九泉可以
連為魂爽超度祖玄太上遺素車白馬大將
軍以監之

天尊言若或有人治裝遠行賊盜誘姦五兵
加害陸行則虎狼鬼賊厲其牙水行則蛟龍
鼉鼉張其頤或灘瀨有幽枉之塊或風濤有
劫數之會前亡後化捉生代死能於此經歸

命投誠故得水陸平康行藏協吉
天尊言尤陽為虐雨澤愆期稽顙此經應時
甘澍積陰為厲雨水浸淫稽顙此經應時朗
霽祝融扇禍飛火民居亦鼠遊城驚燕聚燕
此經可以攘之海若失經魚鼈妄行洪水稽

天民生壑溺此經可以止之
天尊言世人欲免三災九橫之厄即於靜夜
稽首北辰北辰之上上有三台其星並躔形
如雙目臺為三級以覆斗魁是名天階若人
見之生前無刑囚之憂身後不淪沒之苦斗

見之生前無刑囚之憂身後不淪沒之苦斗

中復有尊帝二星大如車輪若人見之留形
住世長生神仙歸命此經投心北極即有冥
感斗為天樞中有天罡在內則為廉貞在外
則為破軍雷城十二門並隨天罡之所指罡
星指丑其身未所指者吉所在者凶餘位
皆然若人見之壽可千歲

天尊言世衰道微人無德行不忠君王不孝
父母不敬師長不友兄弟不誠夫婦不義朋
友不畏天地不懼神明不禮三光不重五教
身三口四大秤小斗殺生害命人百已千姦
私邪淫妖巫叛逆從微至著三官戮罪太乙
移文即付五雷新勒之司先斬其神後勒其
形斬神誅魂使之顛倒人所鄙賤人所嫌害
人所怨惡以至勒形震屍使之崩裂驅其穢
水役其驅車月震時旬校復有考掠一聞此
經其罪即滅若或有人為雷所嘆其屍不舉
水火不受即穢
九天應元雷聲普化天尊作是念言萬神稽
首咸聽吾命
天尊言此經功德不可思議往昔劫中

神霄玉清真王長生大帝所曾宣說至士授
經皆當刺金置幣盟天以傳雷師皓翁長跪
拜興重白

天尊言是經在處當今土地司命隨所守護
雷部按臨以時稽審若人家有此經至誠安
奉即得祥煙滿庭慶雲蔭軒榻亂不萌言福
來萃於其亡歿不經地獄所以者何死即往
生生歸善道承

天尊力有此靈通出入起居佩帶此經衆人
所欽鬼神所畏過諸險難一心稱名

九天應元雷聲普化天尊悉得解脫於是雷
師皓翁對

天尊前而說偈曰
無上玉清王 統天三十六 九天普化君
化形十方界 披髮騎麒麟 赤脚躡層冰
手把九天炁 嘯風鞭雷霆 能以智慧力
攝伏諸魔精 濟度長夜魂 利益於衆生
如彼銀河水 千眼千月輪 普於未來世
水聽天尊教
時雷師皓翁說是偈已

天尊言此經傳世世人未知吾今所法九天
應元府府有九天雷門使者以糾錄典者康
訪典者佐之復有四司一曰探刺司二曰積
速司三曰幽枉司四曰報應司各有大夫以
掌其事吾之所理卿師使相咸贊元化

天尊說此經畢玉梵七寶層臺天花繽紛瓊
香繚繞十方諸天帝君咸稱善哉天龍鬼神
雷部官衆三界萬靈皆大歡喜信受奉行
唵吽叱利囉囉囉

九天應元雷聲普化天尊玉樞寶經